

P03 1325 04-11-2015

Bosna i Hercegovina  
Federacija Bosne i Hercegovine



Bosnia and Herzegovina  
Federation of Bosnia and Herzegovina

**KANTON SARAJEVO**  
**Ministarstvo za obrazovanje, nauku  
i mlade**

**CANTON SARAJEVO**  
**Ministry for Education, Science and  
Youth**

Broj: 11-05-38-26683-1/15  
Sarajevo, 29.10.2015. godine

**SKUPŠTINA KANTONA SARAJEVO**  
**n/r Seje Bukve, predsjedavajući Skupštine Kantona Sarajevo**  
**- ovdje-**

**POSLANIČKA INICIJATIVA**

Na šestoj Radnoj sjednici Skupštine Kantona Sarajevo, održanoj 02.09.2015. godine, u okviru tačke Dnevog reda „Poslanička pitanja, inicijative i odgovori“, zastupnica Neira Avdibegović je pokrenula inicijativu prema Ministarstvu „da se izvrši analiza i utvrdi postojanje potrebe za uvođenjem dvokratnog radnog vremena u vrtićima JU „Djeca Sarajeva“.

U vezi sa navedenom inicijativom, dostavljamo sljedeći odgovor:

Ministarstvo je spomenutu inicijativu uputilo JU „Djeca Sarajeva“, s ciljem dobijanja adekvatne informacije u vezi sa navedenom predmetnom problematikom.

U prilogu ovog akta Vam dostavljamo odgovor JU „Djeca Sarajeva“, iz kojeg je evidentno da je i u prethodnom periodu bio organiziran rad određenih vrtića u dvije smjene, ali je zbog slabog interesovanja roditelja, rad u dvije smjene ukinut.

Takođe, na početku školske 2015/2016. godine je roditeljima, od strane JU „Djeca Sarajeva“ ponuđena mogućnost boravka djece u dvije smjene, ali su za boravak djece u drugoj smjeni podnesena dva zahtjeva roditelja, zbog čega rad nije ni u ovoj, tekućoj školskoj godini organiziran u drugoj smjeni.

Napominjemo da organiziranje rada vrtića u drugoj smjeni u JU „Djeca Sarajeva“ podrazumijeva dovoljan broj djece za formiranje najmanje jedne odgojne grupe u vrtiću, za šta u ovom trenutku ne postoji dovoljna zainteresiranost roditelja djece.

Koristimo se prilikom da Vas informiramo da su u toku aktivnosti na izmjenama i dopunama Pedagoških standarda i normativa za predškolski odgoj i obrazovanje, kojim je predviđena nova organizacija rasporeda radnog vremena i satnice rada odgajatelja, na način da odgajatelji imaju radno vrijeme do 18,30 sati, čime bi se izašlo u susret zainteresiranim roditeljima za boravak djece u drugoj smjeni.

S poštovanjem,

**MINISTAR**  
*Prof. dr. Elvir Kazazović*

Prilog: Odgovor JU „Djeca Sarajeva“



web: <http://www.monks.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1





Bosna i Hercegovina  
Federacija Bosne i Hercegovine  
KANTON SARAJEVO  
Javna ustanova «Djeca Sarajeva»  
SARAJEVO

Broj: 02-01-879 /15  
Sarajevo, 14.10.2015.

15-10-2015  
KANTON SARAJEVO  
MINISTARSTVO OBRAZOVANJA I NAUKE  
Nr Ministra Elvira Kazazovića

PREDMET: Odgovor na poslaničku inicijativu;

Cijenjeni Ministre,

Povodom inicijative poslanika u Skupštini Kantona Sarajevo Neire Avdibegović vezane za uvođenje dvokratnog radnog vremena u vrtićima JU «Djeca Sarajeva» Sarajevo, obavještavamo Vas slijedeće:

U Javnoj ustanovi «Djeca Sarajeva» Sarajevo u proteklim godinama periodično je bio organiziran rad u dvije smjene i to u vrtićima:

1. "Rosica" u ul. Paromlinska br.7, (Općina Novo Sarajevo)
2. "Aprilski cvijetovi" u ul. Envera Šehovića br.1. (Općina Novo Sarajevo)
3. "Lastavica" u ul. Gradačačka 145. (Općina Novi Grad)
4. "Dječiji grad" u ul. Olimpijska bb (Općina Novi Grad).

Međutim, činjenica je da je zainteresovanost roditelja za korištenje druge smjene bila više nego minimalna, odnosno broj djece prijavljene za pohađanje druge smjene je kontinuirano opadao te dostizao broj manji od minimuma za formiranje odgojne grupe u skladu sa Pedagoškim standardima, tako da je druga smjena postepeno ukinuta u ovim vrtićima, osim u najvećem vrtiću ustanove, vrtiću «Dječiji grad», gdje su i na posljednjem javnom pozivu za prijem djece pozvani zainteresirani roditelji da se prijave za korištenje druge smjene, te je broj ovakvih zahtjeva bio svega 2 zahtjeva, što nije niti približno dovoljno za formiranje odgojne grupe niti ima svoju pedagošku i ekonomsku opravdanost.

Vežano za prednje navedeno, treba posebno naglasiti da dijete koje koristi drugu smjenu ima potpuno ista prava vezano za brigu, njegu i obrazovanje, kao i dijete koje koristi prvu smjenu, što znači: obezbjeđen odgojno-obrazovni kadar, 3-4 obroka te prateće tehničko osoblje koje će biti angažovano i u tom periodu.

Iz svega navedenog može se zaključiti da ukoliko bismo govorili o uvođenju druge smjene na nivou svakog vrtića, ostavljajući u ovom momentu po strani minimum broja djece u grupi prema pedagoškom standardu, to bi značilo dodatno upošljavanje po 2 odgajatelja po grupi, odnosno 58 novih odgajatelja radi organiziranja druge smjene.

Ovdje smatramo posebno važnim pojasniti da nije pedagoški opravdano niti ispravno govoriti o opciji da roditelj birajući smjenu, dijete dovodi npr. jednu sedmicu u jednu a drugu sedmicu u drugu odgojnu grupu ili da npr. u toku dana do 17.00 sati provodi sa jednom od odgajateljica prve smjene a od 17.00 do 22.00 sata sa jednom od odgajateljica druge smjene. To bi u praksi značilo da je odgojno-obrazovni rad sveden na «čuvanje» djece a ne na odgoj i vaspitanje djeteta. Ovo se najbolje može uporediti sa primjerom kada bi dijete koje pohađa prvi razred osnovne škole jednu sedmicu pohađalo u jednom odjeljenju a drugu u drugom, ili u toku jednog dana dio nastave proveo u jednom a dio u drugom odjeljenju.


Dakle, ako bi smo rezimirali mogućnost uvođenja druge smjene na nivou vrtića JU «Djeca Sarajeva» moralo bi se uzeti u obzir slijedeće:

- da isto predviđa formiranje zasebne odgojno-obrazovne grupe uz obavezu poštivanja minimuma broja djece prema Pedagoškim standardima, što se prema dosadašnjoj praksi i iskustvu koje smo imali, ne može ispoštovati,
- da povlači upošljavanje novih uposlenika (po 2 odgajatelja za svaku odgojnu grupu i novo tehničko osoblje)
- da znači povećanje troškova ishrane radi obaveze uvođenja novih obroka i drugih troškova.

S druge strane, prijedlog Komisije za izradu podzakonskih akata iz oblasti obrazovanja koji je iznesen prilikom izrade Pedagoških standarda i normativa jeste da se izvrši drugačija organizacija rasporeda radnog vremena i satnice rada odgajatelja i na taj način, bez dodatnih troškova i uz uvođenje četvrtog obroka koji će se obezbjediti iz povećanja prihoda zbog promjene cijene boravka, reorganizira rad vrtića i do 18.30 sati, odnosno omogućiti korisnicima cjelodnevnog boravka korištenje usluge i do 12 sati dnevno umjesto dosadašnjih 10 sati, čime bi se znatno olakšalo upravo zaposlenim roditeljima.

S poštovanjem,

Dostaviti:  
-naslovu  
-a/a



DIREKTORA  
Elvira Kazazović  
Kanton Sarajevo